



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 8. Ferrerii Cardinalis fata.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.
A. C. 1566.

§. VIII.

Ferrerii Cardinalis fata.

*Ciacon. t. 3.
pag. 923.
Augustin.
Ventura in
elog. Card.
Ferrar.*

Quintus erat Petrus Franciscus Ferrerius Pedemontanus, qui Bugellæ prope Vercellas natus Patrem habuit Geofredum Casalim Valoni Dominum, & Mediolanensis Senatus pro Francisco I. Præsidem: porro idem fuit Joannis Stephani Bononiensis, & Bonifacii Eporediensis Episcoporum, ac Sacræ Romanæ Ecclesiæ Cardinalium nepos, & Philiberti item S. R. E. Cardinalis frater, qui a Paulo III. Romano Pontifice ex Pinaroliensi, & S. Stephani de Cittadella de Vercellis Abbate cum Romanam Curiam sequeretur, post Bonifacium Ferrerium vigesima die Decembris anni millesimi quingentesimi trigesimali sexti Episcopus Vercellensis electus est, quam Ecclesiam ad pristinam restituit dignitatem, dum in ea novem Sacerdotia, quæ Cappellaniæ dicuntur, instituit, & dotavit, ac palatium Episcopale reparavit. Sub eodem Paulo III. Pontifice, unacum Bonifacio Cardinale Eporediensi Episcopo, ac Patruo suo, qui erat de latere Legatus, Bononiam Pro-legatus mittebatur: porro cum Concilio Tridentino interesset, quædam in suæ Diæcesis utilitatem salubriter scripsit, ea-
que

que decreta Vercellas transmisit, ubi pro
 juvenum Clericorum institutione Se-
 minarium erexit. Postea a Paulo IV.
 adjugebatur Carolo Cardinali Carraf-
 fæ Legato ad Philippum II. Hispaniæ
 Regem in Belgium eunti: sub Pio vero
 IV. cum apud Venetos Legatione fun-
 geretur, Presbyter Cardinalis S. Cæ-
 sarei in Palatio primum, & dein S. Agne-
 tis in Agone, ac postea S. Anastasiæ
 die vigesima sexta Februarii Anno Sa-
 lutis nostræ millesimo quingentesimo
 sexagesimo primo renunciatus est, quar-
 tusque suo generi purpuræ honorem at-
 tulit: Anno autem sequenti suum Epi-
 scopatum in Guidonis Nepotis sui iti-
 dem Cardinalis favorem dimisit, inter-
 fuitque comitiis, in quibus Pius V. Ro-
 manus Pontifex nominatus est. Obiit
 tandem Romæ die duodecima Novem-
 bris Anno Christi millesimo quingen-
 tesimo sexagesimo sexto, annos natus
 sexaginta tres.

Sæcul. XVI.
 A.C. 1566.

§. IX.

*Francisci de Mendoza Cardinalis
 obitus.*

Denique postremus, ac sextus erat
 Franciscus de Mendoza natione
 Hispanus patria Conchensis, Didaci
 Marchionis de Cannete, ac Isabellæ
 Bobadillæ Filius, qui Ferdinandi Pin-
 ciani

Ciacon.
 pag. 699.